



Broj: 04-7- 363 - 17 /20
Sarajevo, 21.09.2020.godine

Na osnovu člana 69. Zakona o javnim nabavkama BiH , člana 8. stav d)i e) Pravilnika o uspostavljanju i radu Komisije za javne nabavke, te na osnovu člana član 45. Statuta i Statuta o izmjenama i dopunama Statuta „Operator-Terminali Federacije“ d.o.o. Sarajevo (broj 01-1-491-1/16 od 07.4.2016. godine, broj 01-1-906-6/16 od 22.6.2016. godine, broj: 01-1-423-5/17 od 29.06.2017.godine, broj: 01-1-413-2/18 od 27.09.2018. godine, broj 01-1-88-8/19 od 12.02.2019.godine i broj: 01-1-37-4/20 od 12.02.2020.godine)“Operator-Terminali Federacije“ d.o.o. Sarajevo, Uprava Društva donosi:

ODLUKA

O poništavanju postupka javne nabavke usluga iz Aneks II dio B - „Nabavka zaštitarskih usluga - fizička zaštita Terminala Živinice“

Član 1.

Poništava se postupak javne nabavke usluga iz Aneksa II dio B Zakona o javnim nabavkama BiH „Zaštitarske usluge – fizička zaštita terminala Živinice“, u skladu sa članom 69. Zakona o javnim nabavkama ("Službeni glasnik Bosne i Hercegovine" broj 39/14).

Te, u skladu sa članom 8. stav d) i e) Pravilnika o uspostavljanju i radu Komisije za javne nabavke, na prijedlog Komisije za javnu nabavku usluga iz Aneks II dio B „Nabavka usluga fizičke zaštite – zaštitarske usluge za Terminal Živinice“ iz Zapisnika sa sastanka br. 04-7-363-16/20 od 10.09.2020.godine, a iz razloga jer su u ponovnoj evaluaciji ponuda, prema Rješenju ureda za razmatranje žalbi i utvrđene proceduralne greške prilikom provođenja postupka nabavke.

Član 2.

Ova Odluka objavit će se na web stranici Ugovornog organa (www.terminali.ba) u skladu sa članom 70. stav 6.) Zakona o javnim nabavkama BiH, i dostavlja se svim ponuđačima koji su učestvovali u postupku javne nabavke u skladu sa članom 71. stav 2. Zakona o javnim nabavkama

Član 3.

Ova Odluka stupa na snagu danom donošenja.

Obrazloženje:

U Odluci o pokretanju postupka br. 04-7-363-1/20 od 12.06.2020.godine, u članu 5.) predviđeno je da se nabavka vrši iz sredstava ostvarenih po osnovu takse za uspostavu rezervi naftnih derivata, prema Odluci o načinu namjenskog utroška sredstava ostvarenih po osnovu takse za uspostavu rezervi naftnih derivata za period 2019.-2022.godine, V broj: 293/2019 od 18.04.2019.godine, Ugovorni organ usluge financira iz troškova rada Operatora prema Planu namjenskog utroška takse za period 2019-2020.godine. Ugovorni organ – „Operator – Terminali Federacije“ d.o.o. Sarajevo, privredno je društvo osnovano sa ciljem skladištenja rezervi naftnih derivata, te jedini prihod ostvaruje po osnovu takse na naftne derivate prema Zakonu o naftnim derivatima FBiH („Službeni glasnik FBiH“ br.52/14).

Vlada Federacije Bosne i Hercegovine, dana 17.03.2020.godine, zbog pandemije koronavirusa (COVID-19), proglasila je stanje prirodne nesreće, a koje je trajalo do 29.05.2020.godine. Zbog lock downa i restriktivnih mjera koje su bile uvedene u cilju spriječavanja širenja virusa, u svijetu, a i na tržištu BiH, došlo je do pada potražnje i potrošnje nafte, te Ugovorni organ od proglašenja prirodne nesreće, i privrede koja se ne oporavlja, trpi značajan pad prihoda od takse na naftne derivate.

Obveznici plaćanja takse na naftne derivate istu plaćaju do 20.u mjesecu za prethodni mjesec, a Ugovorni organ o iznosu koji je prikupio za protekli mjesec bude upoznat početkom ne tekućeg mjeseca u kojem se uplaćivala taksa na naftne derivate već naredni mjesec. Što znači da je ugovorni

organ u trenutku pokretanja postupka imao samo podatke o sredstvima prikupljenim po osnovu takse na naftne derivate za mjesec april 2020.god.

Ugovorni organ je opravdano očekivao i planirao da će i tokom proglašenog stanja prirodne nesreće imati iste ili veće prihode od takse na naftne derivate zbog pada cijena nafte na tržištu i mjera kontrole maksimalne marže na naftne derivate od strane našeg vlasnika Vlade FBiH, što je u konačnici trebalo povećati potrošnju, a istovremeno povećati ili barem održati jedini prihod Ugovornog organa temeljem kojeg je UO planirao predmetnu nabavku. Napominjemo da se taksa na naftne derivate prikuplja u iznosu od 0,01 KM po prodatom litru naftnog derivata.

Unatoč prethodno navedenom, do planiranog ostvarenja sredstava nije došlo, naprotiv, zabilježen je pad prihoda po osnovu takse na naftne derivate u iznosu od 25,17% za prvih sedam mjeseci ove godine, u odnosu na plan prihoda temeljem kojeg UO izrađuje plan poslovanja i plan javnih nabavki, što predstavlja značajan pad prihoda, te je Ugovorni organ primoran da poništi postupak nabavke u skladu sa članom 69. Zakona, odnosno iz razloga što nema finansijska sredstva da angažira agenciju za fizičku zaštitu ljudi i imovine.

Također, Uprava donosi Odluku rukovodeći se preporukom Komisije iz Zapisnika sa sastanka Komisije br. 04-7-363-16/20 od 10.09.2020.godine, u kojem je Komisija utvrdila da je prekršena odredba člana 7. stav 3.) Pravilnika o nabavci usluga iz Aneksa II dio B, zbog neblagovremenog objavljivanja javnog poziva na OTF web stranici, a iz razloga jer je jedini zaposlenik Ugovornog organa, koji upravlja i uređuje web stranicu, u tom period koristio godišnji odmor.

U skladu sa Pravilnikom o nabavci usluga iz Aneksa II dio B, Komisija je bila dužna da Poziv za dostavu ponuda uputi na tri adrese, i isti objavi na web stranici ugovornog organa najmanje 14 dana prije javnog otvaranja. Isto je konstatovano i u žalbi ponuđača Sword Security d.o.o., br. 07-07/05/20, koju je uložio na Odluku o otkazivanju postupka br. 04-7-363-6/20 od 01.07.2020.godine, putem punomoćnika Galiba Hrvčić – Karačić, advokata iz Sarajeva.

Navodi Žalitelja u tom smislu su tačni. Komisija je utvrdila da je Žalitelj ispravno uočio propušteno tj. da je došlo do neblagovremenog objavljivanja javnog poziva na OTF web stranici. Uočene nepravilnosti i propusti u radu, koji nisu blagovremeno uočeni i otklonjeni, su također, razlog i osnova za poništenje postupka.

Komisija također navodi da su ponude pristigle po javnom pozivu za dostavu ponuda imale period važenja ponuda 30 dana, odnosno do 30.07.2020.godine, obzirom da je članom 60. stav 2) predviđeno da Ugovorni organ u periodu važenja ponude, može zahtijevati od ponuđača, u pisanoj formi, da produži period važenja do određenog roka, a u periodu važenja ponuda predmetna javna nabavka bila je razmatrana pred Uredom za razmatranje žalbi, zahtjev za produženje perioda važenja ponuda nije upućen, te je period važenja ponuda istekao.

Iz gore navedenih razloga poništava se predmetni postupak javne nabavke saglasno članu 69., te članu 8. stav d) i e) Pravilnika o uspostavljanju i radu Komisije za javne nabavke, odnosno iz razloga jer je Komisija utvrdila da je došlo do nenamjerne proceduralne pogreške koja je nije u skladu sa odredbama člana 7. stav 3.) Pravilnika o nabavci usluga iz Aneksa II dio B.

POUKA O PRAVNOM LIJEKU : Protiv ove Odluke može se izjaviti žalba Uredu za razmatranje žalbi putem ugovornog organa, najkasnije u roku od 10 (deset) dana od dana prijema ove Odluke.

Hermedin Zornić

predsjednik Uprave

Slaven Zeljko

član Uprave



Dostaviti:

- Ponuđačima
- Sektoru za ljudske resurse, opšte i pravne poslove
- a/a